

KEJOHANAN PENCAK SILAT DUNIA

Laluan Shakir mudah tetapi rakan lain hadapi cabaran sukar

► ISMAIL ALI
ismail@sph.com.sg

JAGUH silat dunia, Muhammad Shakir Juanda, menghadapi laluan agak mudah apabila diundi menentang peserta Nepal, tetapi nasib rakan-rakannya agak berbeza apabila perlu berdepan pesilat-pesilat utama dari Vietnam, Thailand, Indonesia dan Malaysia dalam Kejohanan Pencak Silat Dunia di Phuket, Thailand.

Dalam undian acara tanding yang dibuat malam kelmarin dan akan bermula esok, Muhammad Shakir, juara dunia 2012, akan berdepan pesilat kurang dikenali, Bimal Rai, dalam Kelas H.

Namun, sebilangan besar rakan-rakannya perlu menghadapi cabaran lebih sukar dengan Muhammad Nur Alfian Jumaen berdepan pesilat Vietnam, Tran Dinh Nam; Irahm Mustafa Kamal berdepan Nantachai Kansakorn (Thailand); Sheik Ferdous Sheik Alau'ddin melawan Vu Van Hoang (Vietnam); dan Muhammad Nurfahmy Fareed menentang Azizi Bin Ahmad (Malaysia).

Pesilat wanita negara turut menghadapi laluan sukar apabila Nur Shafiqah Sheik Alau'ddin perlu berdepan Nirmalasari Oktaviani dari Indonesia; Nurul Shafiqah Mohd Saiful melawan Wewey Wita (Indonesia); Nurul Suhaila Mohd Saiful bertemu sama ada

“Secara keseluruhan, pesilat Singapura sudah bersedia menghadapi lawan masing-masing walaupun sebahagian daripada mereka lebih bernasib baik dapat terus ke peringkat separuh akhir dalam undian yang dibuat.

Apa yang saya harapkan adalah pesilat kami turun ke gelanggang dengan berani dan dengan semangat kental meskipun menghadapi lawan sukar. Mereka juga tidak boleh mengaku kalah sebelum bertanding.”

– Sheik Alau'ddin Yacoob Marican, Ketua Pegawai Eksekutif Persekutuan Silat Singapura (Persisi).

pesilat Filipina ataupun Malaysia dalam separuh akhir dan Nur Hidayah Hussein Ja'afar menentang sama ada lawan dari Thailand ataupun Vietnam, juga dalam separuh akhir.

Dalam acara seni yang akan bermula hari ini, harapan negara terletak pada Muhammad Iqbal Abdul Rahman, pemenang pingat gangsa acara seni tunggal dalam Kejohanan Dunia lalu.

“Secara keseluruhan, pesilat Singapura sudah bersedia menghadapi lawan masing-masing walaupun sebahagian daripada mereka lebih bernasib baik dapat terus ke peringkat separuh akhir dalam undian yang dibuat. Beberapa pesilat lain turut menghadapi lawan agak mudah seperti Shakir.

“Tetapi sebahagian lagi perlu berdepan lawan sukar dari Vietnam, Malaysia, Thailand atau Indonesia sebelum dapat melangkah lebih jauh. Bagi kumpulan ini, pertandingan peringkat kelayakan mereka ibarat final.

“Apa yang saya harapkan adalah pesilat kami turun ke gelanggang dengan berani dan dengan semangat kental meskipun menghadapi lawan sukar. Mereka juga tidak boleh mengaku kalah sebelum bertanding,” jelas Ketua Pegawai Eksekutif Persekutuan Silat Singapura (Persisi), Sheik Alau'ddin Yacoob Marican, yang turut memenangi skuad pesilat negara ke Phuket.

Menurutnya, kakitangan kejurulatihan Persisi akan terus berusaha

meningkatkan semangat dan kekuatan mental pesilat negara dalam menghadapi perlawanan sukar.

“Walaupun apa pun cabaran yang dihadapi Persisi menetapkan matlamat memenangi sekurang-kurangnya lapan pingat, termasuk dua pingat emas daripada kejohanan ini. “Saya juga meletakkan harapan tinggi dan mahu Iqbal memperbaiki persembahan dalam acara seni, sekurang-kurangnya dalam tiga kedudukan teratas.

“Iqbal pemenang pingat gangsa dalam kejohanan sebelum ini dan antara pesilat yang paling banyak menunjukkan kemajuan menerusi latihan di dalam dan di luar negara sejauh ini,” tambah Sheik Alau'ddin.

IQBAL: Diharap dapat peringkat persembahan untuk memperbaiki pingat gangsa yang dimenangi dalam Kejohanan Dunia lalu. – Foto fail

